

Եվրասիական տնտեսական
հանձնաժողովի կոլեգիայի
2015 թվականի ապրիլի 21-ի
թիվ 30 որոշման

ՀԻՄՆԱԴՐՈՒՅԹ

Թանկարժեք մետաղները և թանկարժեք մետաղներ պարունակող հումքային ապրանքները Եվրասիական տնտեսական միության մաքսային տարածք ներմուծելու և Եվրասիական տնտեսական միության մաքսային տարածքից արտահանելու մասին

I. Ընդհանուր դրույթներ

1. Սույն Հիմնադրույթով սահմանվում է այն ապրանքների միասնական ցանկի 2.10-րդ բաժնում ներառված թանկարժեք մետաղները և թանկարժեք մետաղներ պարունակող հումքային ապրանքները Եվրասիական տնտեսական միության մաքսային տարածք ներմուծելու (այսուհետ համապատասխանաբար՝ Միություն, ներմուծում) և Եվրասիական տնտեսական միության մաքսային տարածքից արտահանելու (այսուհետ՝ արտահանում) կարգը, որոնց նկատմամբ երրորդ երկրների հետ առևտրի ժամանակ կիրառվում են «Երրորդ երկրների առնչությամբ ոչ սակագնային կարգավորման միջոցների մասին» արձանագրությամբ նախատեսված ոչ սակագնային կարգավորման միջոցները («Եվրասիական տնտեսական միության մասին» 2014 թվականի մայիսի 29-ի պայմանագրի թիվ 7 հավելված) (այսուհետ՝ միասնական ցանկ):

2. Սույն Հիմնադրույթը չի կիրառվում՝

ա) թանկարժեք մետաղներ պարունակող մշակութային արժեքների արտահանման դեպքում: Միասնական ցանկի 2.20-րդ բաժնում ներառված թանկարժեք մետաղներ պարունակող մշակութային արժեքների արտահանումն իրականացվում է Եվրասիական տնտեսական հանձնաժողովի կոլեգիայի 2015

թվականի ապրիլի 21-ի թիվ 30 որոշմամբ հաստատված՝ «Մշակութային արժեքները, ազգային արխիվային ֆոնդերի փաստաթղթերը և արխիվային փաստաթղթերի բնօրինակները Եվրասիական տնտեսական միության մաքսային տարածքից արտահանելու մասին» հիմնադրույթին համապատասխան.

բ) թանկարժեք մետաղների ռադիոակտիվ և կայուն իզոտոպների ու դրանց հիմքով արտադրատեսակների արտահանման և (կամ) ներմուծման դեպքում: Դրանց ներմուծման և (կամ) արտահանման կարգը կարող է սահմանվել Միության անդամ պետության օրենսդրությամբ (այսուհետ՝ անդամ պետություն).

գ) թանկարժեք մետաղների և թանկարժեք մետաղներ պարունակող հումքային ապրանքների ներմուծման դեպքում, եթե դա նախատեսված է անդամ պետությունների օրենսդրությամբ՝ անդամ պետությունների՝ թանկարժեք մետաղների և թանկարժեք քարերի պետական ֆոնդերը, ինչպես նաև անդամ պետությունների սուբյեկտների (դաշնային պետության սուբյեկտների համար)՝ թանկարժեք մետաղների և թանկարժեք քարերի պետական ֆոնդերը համալրելու համար և (կամ) նշված ֆոնդերից թանկարժեք մետաղների և թանկարժեք մետաղներ պարունակող հումքային ապրանքների արտահանման դեպքում: Դրանց ներմուծման և (կամ) արտահանման կարգը կարող է սահմանվել անդամ պետությունների օրենսդրությամբ.

դ) անդամ պետությունների ազգային (կենտրոնական) բանկերի կողմից թանկարժեք մետաղների և թանկարժեք մետաղներ պարունակող հումքային ապրանքների ներմուծման և (կամ) արտահանման դեպքում, եթե դա նախատեսված է անդամ պետությունների օրենսդրությամբ: Դրանց ներմուծման և (կամ) արտահանման կարգը կարող է սահմանվել անդամ պետությունների օրենսդրությամբ.

ե) անդամ պետությունների ազգային (կենտրոնական) բանկերի կողմից անդամ պետությունների տարածքներում օրինական վճարամիջոց հանդիսացող թանկարժեք մետաղներից մետաղադրամների ներմուծման և (կամ) արտահանման դեպքում: Դրանց ներմուծման և (կամ) արտահանման կարգը կարող է սահմանվել անդամ պետությունների օրենսդրությամբ.

զ) ֆիզիկական անձանց կողմից թանկարժեք մետաղների ներմուծման և (կամ) արտահանման դեպքում՝ որպես անձնական օգտագործման ապրանքներ:

3. Սույն Հիմնադրույթի նպատակներով օգտագործվող հասկացություններն ունեն հետևյալ իմաստը.

պետական վերահսկողության ակտ՝ թիվ 1 հավելվածի համաձայն սահմանված ձևով կազմված, թանկարժեք մետաղների և թանկարժեք մետաղներ պարունակող հումքային ապրանքների պետական վերահսկողության իրականացման արդյունքները հաստատող փաստաթուղթ.

գտարկված ոսկի և արծաթ՝ փոշու և հատիկների տեսքով՝ անդամ պետություններում արտադրված փոշի և հատիկներ, որոնք համապատասխանում են անդամ պետություններում սահմանված պահանջներին, ինչպես նաև օտարերկրյա արտադրության փոշի և հատիկներ՝ հավաստագրված ծագման երկրի օրենսդրությանը համապատասխան.

գտարկված ոսկի և արծաթ՝ ձուլակտորների տեսքով՝ անդամ պետություններում արտադրված ձուլակտորներ, որոնք համապատասխանում են անդամ պետություններում սահմանված պահանջներին, ինչպես նաև օտարերկրյա արտադրության ձուլակտորներ՝ պատրաստված, հարգադրոշմված և հավաստագրված ծագման երկրի օրենսդրությանը համապատասխան.

գտարկված պլատին և պլատինային խմբի մետաղներ՝ փոշու և հատիկների տեսքով՝ անդամ պետություններում արտադրված փոշի և հատիկներ, որոնք համապատասխանում են անդամ պետություններում սահմանված պահանջներին, ինչպես նաև օտարերկրյա արտադրության փոշի և հատիկներ՝ հավաստագրված ծագման երկրի օրենսդրությանը համապատասխան.

գտարկված պլատին և պլատինային խմբի մետաղներ՝ ձուլակտորների և թիթեղների տեսքով՝ անդամ պետություններում արտադրված պլատինից և պլատինային խմբի մետաղներից ձուլակտորներ և թիթեղներ, որոնք համապատասխանում են անդամ պետություններում սահմանված պահանջներին, ինչպես նաև օտարերկրյա արտադրության պլատինից և պլատինային խմբի մետաղներից ձուլակտորներ և թիթեղներ՝ պատրաստված, հարգադրոշմված և

հավաստագրված ծագման երկրի օրենսդրությանը համապատասխան.

թանկարժեք մետաղների և թանկարժեք մետաղներ պարունակող հումքային ապրանքների պետական վերահսկողություն՝ վարչական ընթացակարգ, որը կատարվում է թանկարժեք քարերի և թանկարժեք մետաղներ պարունակող հումքային ապրանքների պետական վերահսկողության իրականացման կանոններին համապատասխան՝ համաձայն թիվ 2 հավելվածի.

թանկարժեք մետաղներ՝ ոսկի, արծաթ, պլատին և պլատինային խմբի մետաղներ (պալադիում, իրիդիում, ռոդիում, ռուտենիում և օսմիում), որոնք նշված են միասնական ցանկի 2.10-րդ բաժնի 1-ին և 3-րդ աղյուսակներում.

հայտատուներ՝ արդյունահանող սուբյեկտներ, գտարկված թանկարժեք մետաղներ արտադրող սուբյեկտներ, վարկային կազմակերպություններ, իրավաբանական անձինք, որպես անհատ ձեռնարկատեր գրանցված ֆիզիկական անձինք (այսուհետ՝ անհատ ձեռնարկատերեր), որոնք իրավունք ունեն թանկարժեք մետաղների և (կամ) թանկարժեք մետաղներ պարունակող հումքային ապրանքների հետ գործառնություններ իրականացնելու՝ անդամ պետությունների օրենսդրությանը համապատասխան, և անդամ պետության օրենսդրությամբ սահմանված այլ մասնագիտացված կազմակերպություններ.

գտարկման ոչ ենթակա բնակտորներ՝ թիվ 3 հավելվածի համաձայն սահմանված կարգով գտարկման ոչ ենթակա բնակտորների կատեգորիային դասված թանկարժեք մետաղների բնակտորներ.

արդյունահանման սուբյեկտներ՝ այն անդամ պետության տարածքում թանկարժեք մետաղների արդյունահանում իրականացնող կազմակերպություններ, որի ռեզիդենտներն են դրանք.

գտարկված թանկարժեք մետաղներ արտադրող սուբյեկտներ՝ անդամ պետության օրենսդրությանը համապատասխան թանկարժեք մետաղների գտարկում իրականացնելու իրավունք ունեցող իրավաբանական անձինք.

հումքային ապրանքներ՝ թանկարժեք մետաղների թափոններ և ջարդոն, չմշակված թանկարժեք մետաղներ, այդ թվում՝ «Դորե» համաձուլվածքը՝ ձուլակտորի

տեսքով (ծածկագիր ԵԱՏՄ ԱՏԳ ԱԱ 7108 12 000 9-ից) և կաթոդային մետաղները (ծածկագրեր ԵԱՏՄ ԱՏԳ ԱԱ 7106 10 000 0-ից, 7106 91 000 9-ից, 7108 11 000 0-ից, 7108 12 000 9-ից, 7110 11 000 9-ից, 7110 21 000 9-ից, 7110 31 000 0-ից և 7110 41 000 0-ից), ցինկի նստվածքներ (ծածկագիր ԵԱՏՄ ԱՏԳ ԱԱ 7112-ից), միասնական ցանկի 2.10-րդ բաժնի 1-ին աղյուսակում նշված թանկարժեք մետաղների հանքաքարեր և խտանյութեր, միասնական ցանկի 2.10-րդ բաժնի 2-րդ աղյուսակում նշված գունավոր մետաղների հանքաքարեր և խտանյութեր, թանկարժեք մետաղներ պարունակող գունավոր մետաղների արտադրության կիսաարտադրանք:

Զտարկված ոսկու, արծաթի, պլատինի և պլատինային խմբի մետաղների համար (այսուհետ՝ գտարկված թանկարժեք մետաղներ) գտարկման արդյունքում թանկարժեք մետաղների կշռային պարունակության չափը համաձուլվածքի 1000 զանգվածային մասում պետք է կազմի ոչ պակաս, քան՝

995՝ ոսկու համար.

999՝ արծաթի համար.

999,5՝ պլատինի, պալադիումի համար.

999՝ իրիդիումի, ռոդիումի, ռուտենիումի, օսմիումի համար:

Սույն Հիմնադրությունում օգտագործվող այլ հասկացություններ կիրառվում են «Երրորդ երկրների առնչությամբ ոչ սակագնային կարգավորման միջոցների մասին» արձանագրությամբ («Եվրասիական տնտեսական միության մասին» 2014 թվականի մայիսի 29-ի պայմանագրի թիվ 7 հավելված) և Միության իրավունքի մաս կազմող միջազգային պայմանագրերով սահմանված իմաստներով:

II. Մաքսային ընթացակարգերով ձևակերպումը

4. Միասնական ցանկի 2.10-րդ բաժնի 1-ին և 3-րդ աղյուսակներում նշված ապրանքների՝ մաքսային ընթացակարգերով ձևակերպումն իրականացվում է անդամ պետությունների օրենսդրությանը համապատասխան ստեղծված մասնագիտացված (դասակարգված) մաքսակետերում կամ անդամ պետությունների մաքսային մարմինների բաժիններում՝ բացառությամբ հետևյալ դեպքերի.

ա) նշված ապրանքները «մաքսային տարանցում» մաքսային ընթացակարգով ձևակերպելու դեպքում.

բ) նշված ապրանքները «վերաարտահանում» մաքսային ընթացակարգով ձևակերպելու դեպքում, եթե նախկինում դրանք չեն ձևակերպվել այլ մաքսային ընթացակարգերով՝ բացառությամբ «մաքսային տարանցում» մաքսային ընթացակարգով և «մաքսային պահեստ» մաքսային ընթացակարգով ձևակերպելու դեպքերի:

5. Միասնական ցանկի 2.10-րդ բաժնի 1-ին աղյուսակում նշված ապրանքների՝ «արտահանում» մաքսային ընթացակարգով ձևակերպումն իրականացվում է Եվրասիական տնտեսական հանձնաժողովի կոլեգիայի 2014 թվականի նոյեմբերի 6-ի թիվ 199 որոշմամբ հաստատված՝ «Ապրանքների առանձին տեսակների արտահանման և (կամ) ներմուծման լիցենզիայի տրամադրման հայտի ձևակերպման և այդ լիցենզիայի ձևակերպման մասին» հրահանգին համապատասխան ձևակերպված լիցենզիան (այսուհետ՝ լիցենզիա) և պետական վերահսկողության ակտն անդամ պետության մաքսային մարմին ներկայացնելու դեպքում:

6. Միասնական ցանկի 2.10-րդ բաժնի 2-րդ աղյուսակում նշված ապրանքների՝ «արտահանում» մաքսային ընթացակարգով ձևակերպումն իրականացվում է անդամ պետության մաքսային մարմին լիցենզիա ներկայացնելու դեպքում:

7. Միասնական ցանկի 2.10-րդ բաժնի 3-րդ աղյուսակում նշված ապրանքների՝ «արտահանում» մաքսային ընթացակարգով ձևակերպումն իրականացվում է պետական վերահսկողության ակտն անդամ պետության մաքսային մարմին ներկայացնելու դեպքում:

Միասնական ցանկի 2.10-րդ բաժնի 3-րդ աղյուսակում նշված՝ ավելի վաղ ժամանակավոր արտահանված ոսկերչական արտադրատեսակների, վարպետների ձեռքով պատրաստված ոսկյա և արծաթյա արտադրատեսակների, թանկարժեք մետաղներից կամ թանկարժեք մետաղներից պատվածք ունեցող մետաղներից այլ արտադրատեսակների և դրանց մասերի (ծածկագրեր ԵԱՏՄ ԱՏԳ ԱԱ 7113, 7114, 9003 19 000 1, 9021 29 000 0*, 9101**, 9102**, 9103**, 9105**, 9111**, 9112**, 9113 10 100 0, 9608 10 920 0-ից, 9608 10 990 0-ից և 9608 30 000 0-ից)՝ «ժամանակավոր արտահանում»

մաքսային ընթացակարգն ավարտելու նպատակով «արտահանում» կամ «ժամանակավոր արտահանում» մաքսային ընթացակարգով ձևակերպումն իրականացվում է առանց պետական վերահսկողության ակտն անդամ պետության մաքսային մարմին ներկայացնելու:

8. Միասնական ցանկի 2.10-րդ բաժնի 1-ին և 3-րդ աղյուսակներում նշված ապրանքների՝ «ներքին սպառման համար բացթողում», «հրաժարում՝ հոգուտ պետության», «վերաներմուծում», «ժամանակավոր ներմուծում (թույլտվություն)», «ժամանակավոր արտահանում», «ներքին սպառման համար վերամշակում», «մաքսային տարածքում վերամշակում», «մաքսային տարածքից դուրս վերամշակում», «վերաարտահանում» մաքսային ընթացակարգերով ձևակերպումն իրականացվում է պետական վերահսկողության ակտն անդամ պետության մաքսային մարմին ներկայացնելու դեպքում:

Պետական վերահսկողության ակտի տրամադրումը մերժելու դեպքում միասնական ցանկի 2.10-րդ բաժնի 1-ին և 3-րդ աղյուսակներում նշված թանկարժեք մետաղների՝ «վերաարտահանում» մաքսային ընթացակարգով ձևակերպումն իրականացվում է առանց պետական վերահսկողության ակտն անդամ պետության մաքսային մարմին ներկայացնելու:

Միասնական ցանկի 2.10-րդ բաժնի 1-ին աղյուսակում նշված ապրանքների՝ «ազատ մաքսային գոտի» և «ազատ մաքսային պահեստ» մաքսային ընթացակարգերով ձևակերպումն իրականացվում է պետական վերահսկողության ակտն անդամ պետության մաքսային մարմին ներկայացնելու դեպքում:

Միասնական ցանկի 2.10-րդ բաժնի 2-րդ աղյուսակում նշված ապրանքների՝ «ներքին սպառման համար բացթողում», «հրաժարում՝ հոգուտ պետության», «վերաներմուծում», «ժամանակավոր ներմուծում (թույլտվություն)», «ժամանակավոր արտահանում», «ներքին սպառման համար վերամշակում», «մաքսային տարածքում վերամշակում», «մաքսային տարածքից դուրս վերամշակում», «վերաարտահանում», «ազատ մաքսային գոտի» և «ազատ մաքսային պահեստ» մաքսային ընթացակարգերով ձևակերպումն իրականացվում է առանց անդամ պետության մաքսային մարմին լիցենզիա և պետական վերահսկողության ակտ ներկայացնելու:

9. Միասնական ցանկի 2.10-րդ բաժնում նշված ապրանքների՝ «անմաքս առևտուր» մաքսային ընթացակարգով ձևակերպումը չի թույլատրվում՝ բացառությամբ միասնական ցանկի 2.10-րդ բաժնի 3-րդ աղյուսակում նշված արտադրանքի և արտադրատեսակների տեսքով թանկարժեք մետաղների (ծածկագրեր ԵԱՏՄ ԱՏԳ ԱԱ 7113, 7114, 7115, 7118**, 9003 19 000 1, 9021 29 000 0*, 9101**, 9102**, 9103**, 9105**, 9111**, 9112**, 9113 10 100 0, 9608 10 920 0-ից, 9608 10 990 0-ից և 9608 30 000 0-ից), որոնց «անմաքս առևտուր» մաքսային ընթացակարգով ձևակերպումն իրականացվում է պետական վերահսկողության ակտն անդամ պետության մաքսային մարմին ներկայացնելու դեպքում:

10. Թանկարժեք մետաղների կամ թանկարժեք մետաղներից պատվածք ունեցող մետաղների (ծածկագրեր ԵԱՏՄ ԱՏԳ ԱԱ 7106-ից, 7107 00 000 0, 7108-ից, 7109 00 000 0, 7110 և 7111 00 000 0)՝ «մաքսային տարածքից դուրս վերամշակում» մաքսային ընթացակարգով ձևակերպումը չի թույլատրվում, եթե վերամշակումից ստացվող արդյունք են համարվում ոսկերչական արտադրատեսակները, վարպետների ձեռքով պատրաստված ոսկյա և արծաթյա արտադրատեսակները, թանկարժեք մետաղներից կամ թանկարժեք մետաղներից պատվածք ունեցող մետաղներից այլ արտադրատեսակներ և դրանց մասերը (ծածկագրեր ԵԱՏՄ ԱՏԳ ԱԱ 7113, 7114, 9003 19 000 1, 9021 29 000 0*, 9101**, 9102**, 9103**, 9105 **, 9111**, 9112**, 9113 10 100 0, 9608 10 920 0-ից, 9608 10 990 0-ից և 9608 30 000 0-ից)՝ բացառությամբ այն դեպքերի, երբ անդամ պետության կողմից մաքսային տարածքից դուրս վերամշակման համար այդ ապրանքների արտահանման նկատմամբ քանակական սահմանափակումներ սահմանելու մասին միակողմանիորեն որոշում է ընդունվել «Երրորդ երկրների առնչությամբ ոչ սակագնային կարգավորման միջոցների մասին» արձանագրության X բաժնին համապատասխան («Եվրասիական տնտեսական միության մասին» 2014 թվականի մայիսի 29-ի պայմանագրի թիվ 7 հավելված): Այդ դեպքում այդ ապրանքների՝ «մաքսային տարածքից դուրս վերամշակում» մաքսային ընթացակարգով ձևակերպումն իրականացվում է պետական վերահսկողության ակտն անդամ պետության մաքսային մարմին ներկայացնելու դեպքում:

* Միայն թանկարժեք մետաղներից կամ գլանված թանկարժեք մետաղներից:

** Միայն թանկարժեք քարերով ներդիրներ ունեցող կամ թանկարժեք քարերով ներդիրներ չունեցող թանկարժեք մետաղներից:

11. Միասնական ցանկի 2.10-րդ բաժնում նշված ապրանքները Միության մաքսային տարածք ժամանման վայրի մաքսային մարմնից մինչև ներքին մաքսային մարմին, ներքին մաքսային մարմնից մինչև Միության մաքսային տարածքից մեկնման վայրի մաքսային մարմին, Միության մաքսային տարածք ժամանման վայրի մաքսային մարմնից մինչև Միության մաքսային տարածքից մեկնման վայրի մաքսային մարմին, անդամ պետություն չհանդիսացող պետության տարածքով Միության մաքսային տարածքից մեկնման վայրի մաքսային մարմնից մինչև Միության մաքսային տարածք ժամանման վայրի մաքսային մարմին փոխադրելու համար «մաքսային տարանցում», ինչպես նաև «մաքսային պահեստ» մաքսային ընթացակարգերով ձևակերպումն իրականացվում է առանց անդամ պետության մաքսային մարմին լիցենզիա և (կամ) պետական վերահսկողության ակտ ներկայացնելու:

12. Միասնական ցանկի 2.10-րդ բաժնում նշված ապրանքների՝ «ոչնչացում» մաքսային ընթացակարգով, ինչպես նաև միասնական ցանկի 2.10-րդ բաժնի 3-րդ աղյուսակում նշված ապրանքների՝ «ազատ մաքսային գոտի» և «ազատ պահեստ» մաքսային ընթացակարգերով ձևակերպումը չի թույլատրվում:

III. Լիցենզիայի տրամադրումը

13. Հայտատուները լիցենզիայի ձևակերպման համար Ապրանքների արտահանման և (կամ) ներմուծման լիցենզիաների ու թույլտվությունների տրամադրման կանոնների («Եվրասիական տնտեսական միության մասին» 2014 թվականի մայիսի 29-ի պայմանագրի թիվ 7 հավելվածի հավելված) (այսուհետ՝ Կանոններ) 10-րդ կետի 1-5-րդ ենթակետերում նշված փաստաթղթերն ու տեղեկությունները, ինչպես նաև Կանոնների 10-րդ կետի 6-րդ ենթակետին համապատասխան հետևյալ փաստաթղթերը ներկայացնում են այն անդամ պետության լիազորված մարմին, որի տարածքում նրանք գրանցված են՝

ա) գտարկված թանկարժեք մետաղների արտահանման լիցենզիան ձևակերպելու համար՝

վարկային կազմակերպությունները և այլ մասնագիտացված

կազմակերպություններ, եթե դրանք սահմանված են անդամ պետության օրենսդրությամբ՝ թանկարժեք մետաղների հետ գործառնություններ իրականացնելու իրավունքի լիցենզիայի պատճենը, ինչպես նաև գտարկված թանկարժեք մետաղների սեփականությունը հաստատող պայմանագրերի կամ գտարկված թանկարժեք մետաղների սեփականատերերի հետ կնքված՝ կոմիսիայի պայմանագրի (գործակալական համաձայնագրի) պատճենները.

արդյունահանող սուբյեկտները՝ ընդերքօգտագործման իրավունքի պայմանագրի կամ լիցենզիայի կամ ընդերքօգտագործման իրավունքի պայմանագրի գրանցման մասին ակտի պատճենը.

գտարկված թանկարժեք մետաղներ արտադրող սուբյեկտները, թանկարժեք քարերի հետ գործառնություններ իրականացնելու իրավունք ունեցող իրավաբանական անձինք և անհատ ձեռնարկատերերը՝ թանկարժեք մետաղների ձեռքբերման (տիրապետման) օրինականությունը հաստատող փաստաթղթերի պատճենները, ինչպես նաև հատուկ հաշվառման կանգնելու մասին փաստաթղթի պատճենը կամ գործունեության տեսակի համար լիցենզիայի պատճենը՝ անդամ պետության օրենսդրությանը համապատասխան.

բ) գտարկման ոչ ենթակա բնակտորների արտահանման լիցենզիան ձևակերպելու համար՝

արդյունահանող սուբյեկտները՝ ընդերքօգտագործման իրավունքի պայմանագրի կամ լիցենզիայի կամ ընդերքօգտագործման իրավունքի պայմանագրի գրանցման մասին ակտի պատճենը.

իրավաբանական անձինք և անհատ ձեռնարկատերերը՝ գտարկման ոչ ենթակա բնակտորների ձեռքբերման (տիրապետման) օրինականությունը հաստատող փաստաթղթերի պատճենները, ինչպես նաև հատուկ հաշվառման կանգնելու մասին փաստաթղթի պատճենը կամ գործունեության տեսակի համար լիցենզիայի պատճենը՝ անդամ պետության օրենսդրությանը համապատասխան.

գ) միասնական ցանկի 2.10-րդ բաժնի 1-ին և 2-րդ աղյուսակներում նշված ապրանքների արտահանման լիցենզիան ձևակերպելու համար՝ բացառությամբ սույն կետի «ա» և «բ» ենթակետերում նշված ապրանքների՝

թանկարժեք և կորզվող հարակից մետաղների պարունակության մասին փաստաթղթեր՝ ձևակերպված անդամ պետության օրենսդրությանը համապատասխան.

անդամ պետության օրենսդրությանը համապատասխան այդպիսի եզրակացություն (եզրակացություններ) տրամադրելու համար լիազորված այն անդամ պետության պետական մարմնի՝ հումքային ապրանքներից թանկարժեք մետաղների արդյունաբերական կորզման հնարավորության (անհնարիության) կամ տնտեսական նպատակահարմարության (աննպատակահարմարության) մասին եզրակացությունը (եզրակացությունները), որի տարածքում արդյունահանվել են այդ հումքային ապրանքները.

ընդերքօգտագործման իրավունքի լիցենզիայի կամ պայմանագրի կամ ընդերքօգտագործման իրավունքի պայմանագրի գրանցման մասին ակտի պատճենը (արդյունահանող սուբյեկտների համար).

թանկարժեք մետաղներ պարունակող ապրանքների ձեռքբերման (տիրապետման) օրինականությունը հաստատող փաստաթղթերի պատճենները (թանկարժեք մետաղների հետ գործառնություններ իրականացնելու իրավունք ունեցող իրավաբանական անձանց և անհատ ձեռնարկատերերի համար՝ անդամ պետության օրենսդրությանը համապատասխան):

14. Հայտատուի կողմից ներկայացվող փաստաթղթերի պատճենները պետք է վավերացված լինեն Կանոնների 11–րդ կետով սահմանված կարգով:

15. Այն դեպքում, երբ անդամ պետության օրենսդրությանը կամ անդամ պետության կառավարության ակտերին համապատասխան լիցենզիա տրամադրելու մասին որոշումը լիազորված մարմնի կողմից ընդունվում է այդ անդամ պետության պետական իշխանության այլ մարմնի (այսուհետ՝ համաձայնեցնող մարմին) հետ համաձայնեցմամբ, ապա այդ համաձայնեցումն իրականացվում է այդ անդամ պետության օրենսդրությամբ սահմանված կարգով:

Հայտատուի կողմից համաձայնեցնող մարմին ներկայացվում են սույն Հիմնադրությի 13–րդ կետում նշված փաստաթղթերը, եթե դա նախատեսված է անդամ պետության օրենսդրությամբ կամ անդամ պետության կառավարության

ակտերով: Ընդ որում, անդամ պետության լիազորված մարմին չեն ներկայացվում սույն Հիմնադրույթի 13-րդ կետի «ա» ենթակետի երրորդ և չորրորդ պարբերություններում, «բ» ենթակետի երկրորդ և երրորդ պարբերություններում և «գ» ենթակետում նշված փաստաթղթերը:

16. Լիցենզիայի տրամադրումը մերժվում է Կանոնների 14-րդ կետի 1 – 4-րդ ենթակետերով նախատեսված հիմքերի առկայության դեպքում, ինչպես նաև Կանոնների 14-րդ կետի 6-րդ ենթակետին համապատասխան՝ համաձայնեցնող մարմնի կողմից լիցենզիայի տրամադրման հայտի համաձայնեցումը մերժելու դեպքում:

ՀԱՎԵԼՎԱԾ ԹԻՎ 1

«Թանկարժեք մետաղները և թանկարժեք
մետաղներ պարունակող հումքային
ապրանքները Եվրասիական տնտեսական
միության մաքսային տարածք ներմուծելու և
Եվրասիական տնտեսական միության մաքսային
տարածքից արտահանելու մասին»
հիմնադրույթի

(ձևը)

ԱԿՏ

պետական վերահսկողության

_____ (ամսաթիվ)

_____ (Եվրասիական տնտեսական միության անդամ պետություն, քաղաք)

թիվ _____

«Թանկարժեք մետաղները և թանկարժեք մետաղներ պարունակող հումքային
ապրանքները Եվրասիական տնտեսական միության մաքսային տարածք ներմուծելու
և Եվրասիական տնտեսական միության մաքսային տարածքից արտահանելու
մասին» հիմնադրույթին համապատասխան (Եվրասիական տնտեսական

հանձնաժողովի կոլեգիայի 2015 թվականի ապրիլի 21-ի թիվ 30 որոշման թիվ 14 հավելված՝ ներկայացուցչի կողմից _____

_____ (լիազորված մարմին (կազմակերպություն), Եվրասիական տնտեսական միության անդամ պետություն)

_____ (պետական վերահսկիչի պաշտոնը, Ա.Ն.Ա.)

Իրականացվել է պետական վերահսկողություն _____

— (պետական վերահսկողություն իրականացնելու վայրը)

Ապրանքի _____, (ապրանքի անվանումը)

հայտատուի կողմից ներկայացված _____

— (կազմակերպության անվանումը կամ անհատ ձեռնարկատիրոջ Ա.Ա.Ն)

_____ թվականի թիվ _____ պայմանագրով ներմուծելու (արտահանելու)

համար:

Լիցենզիա* _____ (Եվրասիական տնտեսական միության անդամ պետություն)

_____ թվականի թիվ _____

Հայտատուի՝ թանկարժեք մետաղների և թանկարժեք մետաղներ պարունակող հումքային ապրանքների հետ գործառնություններ իրականացնելու իրավունքը հաստատող փաստաթուղթ _____

_____ (փաստաթղթի անվանումը)

_____ թվականի թիվ _____

տրված է _____ (մարմնի անվանումը)

Պայմանագրին և ուղեկցող փաստաթղթերին համապատասխան ապրանքի քաշը կազմում է _____ գրամ:

_____ * Լրացվում է ապրանքի արտահանման ժամանակ:

(գտաքաշը)

Թանկարժեք մետաղների անվանումն ու մաքուր քաշը (ոսկերչական և այլ կենցաղային արտադրատեսակների համար նշվում է միայն հիմնական մետաղի մաքուր քաշը՝ ըստ հարգի)՝

ոսկի _____	գրամ,
արծաթ _____	գրամ,
պլատին _____	գրամ,
պալադիում _____	գրամ,
իրիդիում _____	գրամ,
ռոդիում _____	գրամ,
ռութենիում _____	գրամ,
օսմիում _____	գրամ:

Ներդիրների քաշը թանկարժեք մետաղների բնակտորների տեսքով ոսկերչական արտադրատեսակներում **՝

Ոսկյա _____	գրամ,
արծաթյա _____	գրամ,
պլատինե _____	գրամ:

Թանկարժեք քարերի անվանումը և քաշը (թանկարժեք մետաղներից արտադրատեսակների համար)՝

ալմաստներ մշակված (ադամանդներ) _____	կարատ,
զմրուխտներ _____	կարատ,
ռուբիններ _____	կարատ,
շափյուղաներ _____	կարատ,
այլքսանդրիտներ _____	կարատ,
բնական մարգարիտ _____	կարատ:

Ապրանքի քանակը _____
(չափման համապատասխան միավորներով)

Ապրանքի պայմանագրային արժեքը՝ _____

** Լրացվում է Եվրասիական տնտեսական միության մաքսային տարածքից ապրանքի արտահանման ժամանակ:

(արժույթով՝ ըստ պայմանագրի)

Թանկարժեք մետաղների պետական վերահսկողության արդյունքները՝

Լիազորված մարմնի (կազմակերպության) ներկայացուցիչ _____
(ստորագրությունը)

Պետական վերահսկողությունն իրականացվել է հայտատուի ներկայացուցչի ներկայությամբ _____
(հայտատուի ներկայացուցչի պաշտոնը, Ա.Ա.Հ., լիազորագրի համարը)

Ապրանքը կապարակնքված է՝

թիվ _____ պետական վերահսկողի ,

թիվ _____ հայտատուի կնիքներով:

Պետական վերահսկողության իրականացման համար ներկայացված փաստաթղթերի հավաստիությունը հաստատում եմ, պետական վերահսկողություն իրականացնելու նկատմամբ պահանջներ չունեմ, ապրանքն ստացվել է ամբողջ ծավալով:

Հայտատուի ներկայացուցիչ _____
(ստորագրություն) (Ա.Ա.Հ.)

ՀԱՎԵԼՎԱԾ ԹԻՎ 2

«Թանկարժեք մետաղները և թանկարժեք
մետաղներ պարունակող հումքային
ապրանքները Եվրասիական տնտեսական
միության մաքսային տարածք ներմուծելու և
Եվրասիական տնտեսական միության մաքսային
տարածքից արտահանելու մասին»
հիմնադրույթի

ԿԱՆՈՆՆԵՐ

Թանկարժեք մետաղների և թանկարժեք մետաղներ պարունակող հումքային ապրանքների պետական վերահսկողության իրականացման

1. Թանկարժեք մետաղների և թանկարժեք մետաղներ պարունակող հումքային ապրանքների (այսուհետ՝ հումքային ապրանքներ) պետական վերահսկողությունն իրականացվում է անդամ պետությունների օրենսդրությամբ համապատասխան սահմանված՝ Եվրասիական տնտեսական միության անդամ պետությունների (այսուհետ՝ անդամ պետություններ) լիազորված մարմինների (կազմակերպությունների) կողմից:

2. Սույն Կանոնների նպատակներով հազվագյուտ բնակտորներ ասելով պետք է հասկանալ թանկարժեք մետաղների բնակտորներ, որոնք, հավելվածի համաձայն սահմանված չափորոշիչներին համապատասխան, դասվում են հազվագյուտների կատեգորիային և նախատեսված են անդամ պետությունների օրենսդրությամբ սահմանված նպատակների համար: Թանկարժեք մետաղների բնակտորները հազվագյուտների կատեգորիային դասելու կարգը կարող է սահմանվել անդամ պետությունների օրենսդրությամբ:

3. Պետական վերահսկողություն իրականացնելիս անցկացվում են հետ կյալ միջոցառումները.

ա) ուղեկցող փաստաթղթերում, այդ թվում՝ նորմատիվատեխնիկական և (կամ) տեխնիկական փաստաթղթերում նշված տվյալների հետ թանկարժեք մետաղների, հումքային ապրանքների և ներդիրների տեսքով թանկարժեք քարերի խմբաքանակի համապատասխանության ստուգում,

բ) արտահանվող թանկարժեք մետաղների, հումքային ապրանքների և ներդիրների տեսքով թանկարժեք քարերի ծագման ստուգում,

գ) թանկարժեք մետաղների և հումքային ապրանքների հետ գործարքներ իրականացնելու ժամանակ պահանջների պահպանման ստուգում, եթե այդ պահանջները սահմանված են անդամ պետության օրենսդրությամբ,

դ) այնպիսի թանկարժեք մետաղների և ներդիրների տեսքով թանկարժեք քարերի արժեքի գնահատում, որոնք պարունակվում են այն ապրանքների միասնական ցանկի 2.10-րդ բաժնի 1-ին և 3-րդ աղյուսակներում նշված արտահանվող ապրանքներում, որոնց նկատմամբ երրորդ երկրների հետ առևտրի ժամանակ կիրառվում են «Երրորդ երկրների առնչությամբ ոչ սակագնային կարգավորման միջոցների մասին» արձանագրությամբ նախատեսված ոչ սակագնային կարգավորման միջոցները («Եվրասիական տնտեսական միության մասին» 2014 թվականի մայիսի 29-ի պայմանագրի թիվ 7 հավելված) (այսուհետ՝ միասնական ցանկ)՝ հաշվի առնելով թանկարժեք մետաղների համար՝ համաշխարհային շուկայի գները, ներդիրների տեսքով թանկարժեք քարերի համար՝ «Ինտերնետ» տեղեկատվական հեռահաղորդակցական ցանցում՝ Եվրասիական տնտեսական միության պաշտոնական կայքում, հրապարակված գնացուցակները և անդամ պետության օրենսդրությամբ սահմանված կարգով՝ համաշխարհային շուկայի գները:

4. Միասնական ցանկի 2.10-րդ բաժնի 1-ին և 3-րդ աղյուսակներում նշված ապրանքների պետական վերահսկողության իրականացման համար արդյունահանող սուբյեկտները, գտարկված թանկարժեք մետաղներ արտադրող սուբյեկտները, վարկային կազմակերպությունները, իրավաբանական անձինք և որպես անհատ ձեռնարկատեր գրանցված ֆիզիկական անձինք (այսուհետ՝ հայտատուներ) կամ համապատասխան լիազորությունների գրավոր հաստատում

ունեցող նրանց ներկայացուցիչները ներկայացնում են հետևյալ փաստաթղթերը.

ա) ներմուծման դեպքում՝

դիմում-հայտ, որում նշվում են հայտատուի վերաբերյալ տվյալները (այդ թվում՝ իրավաբանական անձի հասցեն, անհատ ձեռնարկատիրոջ բնակության վայրը), ապրանքի անվանումը, ԵԱՏՄ ԱՏԳ ԱԱ ծածկագիրը, ապրանքի քանակը, պետական վերահսկողության իրականացման վայրը և պետական վերահսկողության իրականացման համար անհրաժեշտ՝ կից ներկայացվող փաստաթղթերի ցանկը,

արտաքին առևտրային պայմանագրի պատճենը, դրա հավելվածները և (կամ) դրանցում կատարված լրացումները, իսկ արտաքին առևտրային պայմանագրի բացակայության դեպքում՝ կողմերի մտադրությունները հաստատող այլ փաստաթղթի պատճենը,

թանկարժեք մետաղներ պարունակող ապրանքների մասնագիրը՝ նշելով ապրանքների ամբողջական տեսականին (անվանումներ, մականշվածքներ, ապրանքատեսակներ, խմբաքանակի համարներ և այլն), քանակը և քաշը,

ապրանքում թանկարժեք մետաղների պարունակության մասին փաստաթուղթը՝ բացառությամբ վարպետների ձեռքով պատրաստված ոսկյա և արծաթյա արտադրատեսակների, այլ արտադրատեսակների և դրանց մասերի (ծածկագրեր 7113 , 7114, 9003 19 000 1, 9021 29 000 0*, 9101**, 9102**, 9103**, 9105**, 9111**, 9112**, 9113 10 100 0, 9608 10 920 0-ից, 9608 10 990 0-ից և ԵԱՏՄ ԱՏԳ ԱԱ 9608 30 000 0-ից),

անդամ պետության օրենսդրությանը համապատասխան տրամադրված՝ հատուկ հաշվառման կանգնելու մասին փաստաթղթի պատճենը կամ գործունեության տեսակի համար լիցենզիայի պատճենը,

անդամ պետության օրենսդրությամբ նախատեսված այլ փաստաթղթեր,

բ) արտահանման դեպքում՝

դիմում-հայտ, որում նշվում են հայտատուի վերաբերյալ տվյալները (այդ թվում՝ իրավաբանական անձի հասցեն, անհատ ձեռնարկատիրոջ բնակության վայրը), ապրանքի անվանումը, ԵԱՏՄ ԱՏԳ ԱԱ ծածկագիրը, ապրանքի քանակը, պետական

վերահսկողության իրականացման վայրը և պետական վերահսկողության իրականացման համար անհրաժեշտ՝ կից ներկայացվող փաստաթղթերի ցանկը,

արտահանման լիցենզիան՝ միասնական ցանկի 2.10 բաժնի 1-ին աղյուսակում նշված ապրանքների համար: Լիցենզիան ներկայացվում է այդ ապրանքները «արտահանում» մաքսային ընթացակարգով հետագայում ձևակերպելու դեպքում,

արտաքին առևտրային պայմանագրի պատճենը, դրա հավելվածները և (կամ) դրանում կատարված լրացումները, իսկ արտաքին առևտրային պայմանագրի բացակայության դեպքում՝ կողմերի մտադրությունները հաստատող այլ փաստաթղթի պատճենը,

թանկարժեք մետաղներ պարունակող ապրանքների մասնագիրը՝ նշելով ապրանքների ամբողջական տեսականին (անվանումներ, մականշվածքներ, ապրանքատեսակներ, խմբաքանակի համարներ և այլն), քանակը և քաշը,

արտահանվող ապրանքի արժեքը հաստատելու համար օգտագործվող հաշիվ-ապրանքագրի կամ ինվոյսի կամ այլ փաստաթղթի պատճենը,

արտահանվող ապրանքներում պարունակվող թանկարժեք մետաղների և թանկարժեք քարերի արժեքի հաշվարկը,

հատուկ հաշվառման կանգնելու մասին փաստաթղթի պատճենը կամ գործունեության տեսակի համար լիցենզիայի պատճենը,

ապրանքների տիրապետման (ձեռքբերման) օրինականությունը հաստատող փաստաթղթի (փաստաթղթերի) պատճենը կամ միջնորդական պայմանագրի պատճենը,

անդամ պետության օրենսդրությանը համապատասխան ձևակերպված ապրանքում թանկարժեք մետաղների պարունակության մասին փաստաթուղթը՝ բացառությամբ վարպետների ձեռքով պատրաստված ոսկյա և արծաթյա արտադրատեսակների, այլ արտադրատեսակների և դրանց մասերի (ծածկագրեր 7113, 7114, 9003 19 000 1,9021 29 000 0*, 9101**, 9102**, 9103**, 9105**, 9111**, 9112**, 9113 10 100 0, 9608 10 920 0-ից, 9608 10 990 0-ից և ԵԱՏՄ ԱՏԳ ԱԱ 9608 30 000 0-ից),

արտահանվող ապրանքների (բացառությամբ ոսկերչական

արտադրատեսակների) նորմատիվատեխնիկական և (կամ) տեխնիկական փաստաթղթերը,

ընդերքօգտագործման իրավունքի պայմանագրի կամ լիցենզիայի պատճենը կամ ընդերքօգտագործման իրավունքի պայմանագրի գրանցման մասին ակտի պատճենը (արդյունահանող սուբյեկտների համար),

թանկարժեք մետաղների հետ գործառնություններ իրականացնելու իրավունքի լիցենզիայի պատճենը (անդամ պետության օրենսդրությամբ նախատեսված վարկային կազմակերպությունների և այլ մասնագիտացված կազմակերպությունների համար), ինչպես նաև և անդամ պետությունների տարածքներում վճարման օրինական միջոց համարվող՝ թանկարժեք մետաղներից մետաղադրամների արտահանման դեպքում,

անդամ պետության և անդամ պետության սուբյեկտների (դաշնային պետության համար)՝ թանկարժեք մետաղների և թանկարժեք քարերի պետական ֆոնդի համալրման համար թանկարժեք մետաղների, այդ թվում՝ հազվագյուտ բնակտորների և (կամ) հումքային ապրանքների գնումից հրաժարումը, ինչպես նաև և ազգային (կենտրոնական) բանկերի՝ թանկարժեք մետաղների, այդ թվում՝ հազվագյուտ բնակտորների և (կամ) հումքային ապրանքների ձեռքբերման նախապատվության իրավունքից հրաժարումը հաստատող փաստաթուղթը (փաստաթղթերը), եթե անդամ պետության օրենսդրությամբ նախատեսված է այդպիսի նախապատվության իրավունք, կամ նշված փաստաթղթի պատճենը (ներկայացվում է զտարկված թանկարժեք մետաղներ արդյունահանող սուբյեկտների և արտադրող սուբյեկտների կողմից),

անդամ պետության օրենսդրությամբ նախատեսված այլ փաստաթղթեր,

գ) վերամշակման նպատակով միասնական ցանկի 2.10-րդ բաժնի 1-ին և 3-րդ աղյուսակներում լրացուցիչ նշված ապրանքների ներմուծման և (կամ) արտահանման դեպքում՝

մաքսային տարածքից դուրս ապրանքների վերամշակման պայմանների վերաբերյալ փաստաթղթի պատճենը («մաքսային տարածքից դուրս վերամշակում» մաքսային ընթացակարգով ձևակերպելու դեպքում),

մաքսային տարածքում ապրանքների վերամշակման պայմանների վերաբերյալ փաստաթղթի պատճենը («մաքսային տարածքում վերամշակում» մաքսային ընթացակարգով & նակերպելու դեպքում),

ներքին սպառման համար ապրանքների վերամշակման պայմանների վերաբերյալ փաստաթղթի պատճենը («ներքին սպառման համար վերամշակում» մաքսային ընթացակարգով & նակերպելու դեպքում),

անդամ պետության տարածքում ապրանքների վերամշակման աննպատակահարմարության կամ անհնարիության մասին այն անդամ պետության պետական մարմնի (կազմակերպության) եզրակացությունը (եզրակացությունները), որի տարածքում գրանցված է հայտատուն (մաքսային տարածքից դուրս վերամշակման համար՝ միասնական ցանկի 2.10-րդ բաժնի 1-ին աղյուսակում նշված ապրանքների արտահանման դեպքում),

այն նորմատիվ իրավական ակտի պատճենը, որին համապատասխան՝ անդամ պետության կողմից մաքսային տարածքից դուրս վերամշակման համար ապրանքների արտահանման նկատմամբ քանակական սահմանափակումներ սահմանելու մասին միակողմանիորեն որոշում է ընդունվել՝ «Թանկարժեք մետաղները և թանկարժեք մետաղներ պարունակող հումքային ապրանքները Եվրասիական տնտեսական միության մաքսային տարածք ներմուծելու և Եվրասիական տնտեսական միության մաքսային տարածքից արտահանելու մասին» հիմնադրույթի (Եվրասիական տնտեսական հանձնաժողովի կոլեգիայի 2015 թվականի ապրիլի 21-ի թիվ 30 որոշման թիվ 14 հավելված) 10-րդ կետին համապատասխան,

անդամ պետության օրենսդրությամբ նախատեսված այլ փաստաթղթեր:

Այն դեպքում, երբ նախկինում ժամանակավոր արտահանված՝ միասնական ցանկի 2.10-րդ բաժնի 3-րդ աղյուսակում նշված թանկարժեք մետաղներից կամ թանկարժեք մետաղներից պատվածք ունեցող մետաղներից ապրանքների խմբաքանակը (կամ ապրանքների խմբաքանակի մի մասը) (ծածկագրեր 7113, 7114,

9003 19 000 1,9021 29 000 0*, 9101**, 9102**, 9103**, 9105**, 9111**, 9112**, 9113 10 100 0, 9608 10 920 0-ից, 9608 10 990 0-ից և ԵԱՏՄ ԱՏԳ ԱԱ 9608 30 000 0-ից) «Ժամանակավոր արտահանում» մաքսային ընթացակարգի ավարտման նպատակով ձևակերպվել է «արտահանում» և (կամ) «Ժամանակավոր արտահանում» մաքսային ընթացակարգով, ներկայացվում են «արտահանում» և (կամ) «Ժամանակավոր արտահանում» մաքսային ընթացակարգով ապրանքների խմբաքանակը ձևակերպելիս լրացված մաքսային հայտարարագրի, մասնագրի և ինվոյսի պատճենները:

5. Փաստաթղթերի ներկայացված պատճենների յուրաքանչյուր թերթ վավերացվում է հայտատուի ստորագրությամբ և կնիքով, կամ փաստաթղթերի պատճենները դակվում են, և դրանց վերջին թերթերը վավերացվում են հայտատուի ստորագրությամբ և կնիքով:

6. Փաստաթղթերը կարող են ներկայացվել էլեկտրոնային փաստաթղթի ձևով, եթե դա նախատեսված է անդամ պետության օրենսդրությամբ:

7. Միասնական ցանկի 2.10-րդ բաժնի 1-ին և 3-րդ աղյուսակներում նշված ապրանքների պետական վերահսկողության արդյունքները ձևակերպվում են՝ «Թանկարժեք մետաղները և թանկարժեք մետաղներ պարունակող հումքային ապրանքները Եվրասիական տնտեսական միության մաքսային տարածք ներմուծելու և Եվրասիական տնտեսական միության մաքսային տարածքից արտահանելու մասին» հիմնադրույթի (Եվրասիական տնտեսական հանձնաժողովի կոլեգիայի 2015 թվականի ապրիլի 21-ի թիվ 30 որոշման թիվ 14 հավելված) թիվ 1 հավելվածով նախատեսված ձևով կազմված պետական վերահսկողության ակտով:

8. Պետական վերահսկողության ակտը կազմվում է 3 օրինակից և ստորագրվում է անդամ պետության լիազորված մարմնի (կազմակերպության) ներկայացուցչի և հայտատուի (հայտատուի ներկայացուցչի) կողմից: Առաջին և երկրորդ օրինակները հանձնվում են հայտատուին: Առաջին օրինակը նախատեսված է անդամ պետության մաքսային մարմին ներկայացնելու համար, երկրորդ օրինակը

* Միայն թանկարժեք մետաղներից կամ գլանված թանկարժեք մետաղներից:

** Միայն թանկարժեք քարերով ներդիրներ ունեցող կամ թանկարժեք քարերով ներդիրներ չունեցող թանկարժեք մետաղներից:

մնում է հայտատուի մոտ: Երրորդ օրինակը պահվում է պետական վերահսկողություն իրականացրած՝ անդամ պետության լիազորված մարմնում (կազմակերպությունում):

Պետական վերահսկողության ակտը կարող է տրամադրվել էլեկտրոնային փաստաթղթի ձևով, եթե դա նախատեսված է անդամ պետությունների օրենսդրությամբ:

9. Պետական վերահսկողության ակտում փոփոխությունների կատարումն իրականացվում է անդամ պետության օրենսդրությամբ սահմանված կարգով:

10. Պետական վերահսկողության իրականացման ժամանակ ներկայացվում է թանկարժեք մետաղների և թանկարժեք մետաղներ պարունակող հումքային ապրանքների ամբողջ խմբաքանակը: Ընդ որում, պետական վերահսկողությունն իրականացվում է անդամ պետության լիազորված մարմին (կազմակերպություն) սույն Կանոնների 4-րդ կետով նախատեսված թանկարժեք մետաղների և փաստաթղթերի ներկայացման պահից 5 աշխատանքային օրը չգերազանցող ժամկետում:

Միասնական ցանկի 2.10-րդ բաժնի 1-ին աղյուսակում (ծածկագիր ԵԱՏՄ ԱՏԳ ԱԱ 2616) նշված՝ թանկարժեք մետաղների հանքաքարերի և խտանյութերի պետական վերահսկողությունն իրականացնելիս անդամ պետության լիազորված մարմին (կազմակերպություն) ներկայացվում են սույն Կանոնների 4-րդ կետով նախատեսված փաստաթղթերը: Ընդ որում, ապրանքի խմբաքանակը անդամ պետության լիազորված մարմին (կազմակերպություն) չի ներկայացվում:

11. Անդամ պետությունների տարածքներում վճարման օրինական միջոց համարվող թանկարժեք մետաղներից մետաղադրամները «արտահանում» մաքսային ընթացակարգով ձևակերպելու նպատակով պետական վերահսկողության ակտը տրամադրվում է միայն վարկային կազմակերպություններին կամ անդամ պետության օրենսդրությամբ նախատեսված այլ մասնագիտացված կազմակերպությունների:

12. Միասնական ցանկի 2.10-րդ բաժնի 1-ին և 3-րդ աղյուսակներում նշված ապրանքները «Ներքին սպառման համար վերամշակում», «մաքսային տարածքում վերամշակում», «մաքսային տարածքից դուրս վերամշակում» մաքսային

ընթացակարգերով ձևակերպելու համար պետական վերահսկողության ակտը տրամադրվում է արդյունահանող սուբյեկտներին, գտարկված թանկարժեք մետաղներ արտադրող սուբյեկտներին, իրավաբանական անձանց և այն անհատ ձեռնարկատերերին, որոնք իրենց արտադրական գործունեության մեջ օգտագործում են թանկարժեք մետաղներ՝ բացառությամբ այն դեպքերի, երբ վերամշակման գործառնություն է համարվում ապրանքների վերանորոգումը, այդ թվում՝ բաղադրամասերի փոխարինումը՝ «մաքսային տարածքում վերամշակում» և «մաքսային տարածքից դուրս վերամշակում» մաքսային ընթացակարգերին համապատասխան:

13. Պետական վերահսկողության ակտի տրամադրումը կարող է մերժվել հետևյալ դեպքերում.

ա) հայտատուի կողմից պետական վերահսկողություն իրականացնելու համար ներկայացված փաստաթղթերը պարունակում են թերի կամ անարժանահավատ տեղեկություններ,

բ) սույն Կանոնների 4-րդ և 5-րդ կետերով նախատեսված պահանջները չեն պահպանվել,

գ) ապրանքի խմբաքանակը չի համապատասխանում պետական վերահսկողություն իրականացնելու համար հայտատուի կողմից ներկայացված փաստաթղթերին,

դ) միասնական ցանկի 2.10-րդ բաժնի 1-ին և 3-րդ աղյուսակներում նշված ապրանքների, բացառությամբ մետաղադրամների (միայն թանկարժեք քարերով ներդիրներ ունեցող կամ թանկարժեք քարերով ներդիրներ չունեցող թանկարժեք մետաղներից, ծածկագիր EUSU USF UU 7118) արտահանման դեպքում արտաքին առևտրային պայմանագրում սահմանված դրանց պայմանագրային արժեքը դրանցում պարունակվող թանկարժեք մետաղների և ներդիրների տեսքով թանկարժեք քարերի ընդհանուր արժեքից ցածր է,

ե) միասնական ցանկի 2.10-րդ բաժնի 1-ին աղյուսակում նշված՝ չմշակված թանկարժեք մետաղների, թանկարժեք մետաղների թափոնների և ջարդոնի, թանկարժեք մետաղների հանքաքարերի և խտանյութերի ու ցինկի նստվածքների

տեսքով ապրանքների արտահանման ժամանակ արտաքին առևտրային պայմանագրում սահմանված գործարքի գինը ցածր է այն մետաղների արժեքից, որոնց կորզումն արդյունաբերական եղանակով տնտեսապես նպատակահարմար է՝ առանց դրանց վերամշակման արժեքի:

14. Պետական վերահսկողության ակտի տրամադրումը մերժելու վերաբերյալ հիմնավորված որոշումը հայտատուին տրամադրվում է գրավոր ձևով կամ էլեկտրոնային փաստաթղթի ձևով, եթե դա նախատեսված է անդամ պետության օրենսդրությամբ:

